

Nik Aziz mahu PM terus terajui negara

BM 24 JUN 2002

KOTA BHARU, Ahad - Mursyidul Am Pas. Datuk Nik Abdul Aziz Nik Mat berkata Datuk Seri Dr Mahathir Mohamad wajar terus menerajui kepemimpinan negara tetapi perlu mengambil sikap berbaik-baik dengan kepemimpinan Pas bagi meringankan beban yang ditanggungnya selama ini.

Sambil menegaskan beliau sentiasa mendoakan kebaikan untuk Dr Mahathir, Menteri Besar Kelantan itu berkata, Perdana Menteri juga harus mengubah pemikiran dengan tidak terus bertengkar dengan Pas dalam semua perkara.

"Lebih baiklah kita (Pas dan Umno) bersahabat, boleh meringankan bebanan Dr Mahathir. Berbaik sudahlah. toksahlah ajak Pas masuk Barisan Nasional (BN). Jangan serang Pas. Pandai-pandailah Dr Mahathir panggil pemimpin Pas untuk bermesyuarat sama ada secara senyap atau terbuka dan ada panduan tertentu yang boleh kita kemukakan.

"Terimalah konsep jangan bertengkar dengan orang Pas. Islam nak begitu, demokrasi pun nak begitu. Beliau isytihar (Malaysia) negara Islam tapi dok caci Pas... seluas-luas pemikiran saya pun, tak telus juga nak masuk benda-benda tu.

"Saya tetap mendoakan perkara yang baik untuk Dr Mahathir dan jika beliau berbaik dengan Pas, mungkin boleh meringankan bebannya.

"Orang Pasvakin seratus neratus Dr Mahathir ni baik... perjuangannya baik dan asasnya betul. Tetapi kalau kita dok bertengkar sesama sendiri tanpa sebab logik, memang sengaja kita mencari beban," katanya pada sidang akhbar di JKR 10 di sini, hari ini.

Beliau mengulas pengumuman Dr Mahathir nieletak jawatan sebagai Presiden Umno dan Barisan Nasional (BN) semalam tetapi bersetuju menarik balik keputusannya selepas diujuk oleh pemimpin kanan Umno.

Nik Abdul Aziz berkata, pelbagai masalah Umno mungkin menjadi antara faktor yang mendorong Dr Mahathir menyuarkan hasrat berundur.

"Soal keikhlasan beliau untuk berundur ada dalam hatinya, tetapi cara terbaik bagi pemimpin yang dah berumur seperti Dr Mahathir mengelak daripada beban yang mungkin boleh ditanggung orang lebih muda ialah dengan meletak jawatan," katanya.